

## SRG.R 2014

- 2 SRG.R – sa prepara per las sfidas
- 4 SRG.R – activitads da la societad
- 6 SRG.R – il Cussegl dal public

## Quint annual

- 8 SRG.R – il quint annual
- 10 SRG.R – il rapport da revisiun

## Organs, cumissiuns, structura

- 11 SRG.R – la suprastanza
- 12 SRG.R – ils organs e las cumissiuns
- 15 SRG.R – la commembranza
- 16 SRG.R – part da la structura SRG SSR

## Adressas

- 17 SRG.R – il secretariat SRG.R, l'organ da mediaziun

# SRG.R – sa prepara per las sfidas



OSCAR KNAPP  
president SRG.R

Suenter la clamada dal directur RTR, Mariano Tschuor en la direcziun generala da la SRG a Berna ha la suprastanza SRG SSR Svizra Rumantscha (SRG.R) fatg la procedura da tscherna. Ella ha proponì al cussegl d'administraziun da la SRG SSR d'eleger Ladina Heimgartner da Scuol sco nova directura da RTR. Il cussegl d'administraziun ha acceptà la proposta e Ladina Heimgartner ha surprindì il timun da RTR il prim d'avust 2014. En num da la SRG.R engrazièl jau fitg a Mariano Tschuor per sia lavur prestada. Tant a Ladina Heimgartner sco era a Mariano Tschuor giavischain nus success e satisfacziun cun lur novas responsabladads.

Trais tematicas han occupà cun prioritad la suprastanza:

- Il sustegn che la SRG.R po dar per mantegnair e promover lingua e cultura rumantscha. Atgnamain dattan noss statuts (art. 2/5) in'incumbensa clera a nus, dentant na pudain nus betg surpigliar la rolla dal manader en la domena da politica da linguas. Nus vulain percunter intensivar nossas pussaivladads da sensibilisar, infurmar ed orientar sin il champ naziunal sco er intensivar vinavant la collavuraziun cun la Lia Rumantscha.
- La purschida audiovisuala includa oz radio, televisiun ed online. Il svilup tecnologic e la maniera co il public recepescha oz cuntengns audiovisuals sa mida rasant. Nus avain communitgà a la direcziun generala da la SRG SSR noss sustegn per il project da rinforzar l'offerta multimediala da RTR, avain dentant era rendì attent ch'ina purschida lineara adequata d'emissiuns rumantschas en la televisiun resta indispensabla.

- Sin iniziativa dal cussegl d'administrasiun da la SRG SSR è vegnida elavurada durant l'onn 2014 la strategia per l'associasiun SSR SRG. La finamira essenziala da quella è da s'identifitgar en la collavuraziun tranter las quatter associaziuns regionalas e da meglierar lur visibilitad. La strategia è vegnida confermada a la dieta da delegadAs ils 5 da december 2014 a Berna.

Per l'onn 2015 vuless jau menziunar sco sfida principala la votaziun davart il referendum encunter la lescha da radio e televisiun (LRTV). Nus sustegnain la lescha sco ella è vegnida acceptada dal parlament e dal cussegl federal ed appellain a Vus tuts da far il medem.

*Jau engraziel a tuttas ed a tuts che sustegnan mai en la nobla e bella incumbensa sco president da la SRG.R.*

# SRG.R – activitads da la societad

## Radunanza generala 2014

La radunanza generala dals 14 da zercladur ha gì lieu a Trun. Sco usità ha RTR organisà la saira avant la radunanza l'inscunter "Da cumpagnia". In cordial engraziels fitg era als da Trun per il grond sustegn. A la radunanza avain nus prendì cumià dal directur Mariano Tschuor e dà il bainvegni a sia successura, Ladina Heimgartner. A la radunanza è er vegnì surdà il:

## Premi SRG.R 2014

Questa onurificaziun è ida a l'autur, publicist, scolast e professur dr. Iso Camartin per sia lavur cumplessiva e briglianta en favur da la lingua, cultura e societad rumantscha. Iso Camartin ha contribuì cun sias lavurs al sustegn ed al svilup da nossa lingua. Sias publicaziuns e sia preschientscha en divers gremis han enritgì enormamain l'enconuschientscha e chapientscha per la Svizra Rumantscha.

## Occurrenz e tgira da relaziuns

La SRG.R ha - cun l'agid da RTR - realisà spots da TV per augmentar la commembranza. Dal zercladur fin il settember 2014 èn ils spots vegnids mussads passa 40 giadas sin il chanal da SRF. La revista "Accents", che cumpara quatter giadas ad onn cun ina ediziun da bun 3000 exemplars infurmescha regularmain era da las activitads da la SRG.R. En stretga collavuraziun cun RTR èn differents eveniments vegnids realisads. La SRG.R è stada da la partida p.ex. a la festa da chant a Salouf, tar l'emissiun dals 1. d'avust a Zernez e tar l'emissiun da SRF «Donnschtig-Jass» a La Punt-Chamues-ch. SRG.R ha er participà a visitas da delegaziuns da l'ester (da la Belgia, dals Ladins, da la Frantscha). A l'inscunter a Berna cun la deputaziun grischuna - cussegliera federala Eveline Widmer-Schlumpf, la chanceliera Corina Casanova e parlamentaris grischuns - avain nus pudì preschentar e discutir las sfidas dals meds da massa, particularmain per la Svizra Rumantscha. L'occurrenza è

vegnida organisada da la Lia Rumantscha cun support da RTR.

## Commembranza e vistas 2015

La fin dal 2014 ha la SRG.R 1018 commembras e commembers. L'augment da quasi 100 commembers durant in onn mussa era la solidaritad vers la SRG.R e l'appreziaziun per las emissiuns da RTR. L'onn 2015 dain nus in signal a la diaspora rumantscha. Ina respectabla part da Rumantschas e Rumantschs vivan giu la Bassa. Perquai organisain nus la radunanza generala 2015 a Turitg.

Per 2015 è la SRG.R era vegnida incumbensada da la SRG SSR d'organisar la dieta naziunala. Quella ha lieu ils 25 da settember 2015 a Cuir cun il tema "Nossa contribuziun a la democrazia".

*Jau engraziel a la suprastanza, als gremis, a las commembras ed als commembers per il sustegn en favur da nossa societad SRG SSR Svizra Rumantscha.*

## **SRG.R – il Cussegl dal public**

Las constataziuns e las recumandaziuns dal Cussegl dal public duain cumplettar la lavur da mintgadi da las collavuraturas e dals collavuratur da RTR. Las observaziuns sa basan sin il statut “Qualitad da management RTR”. Il 2014 è il Cussegl dal public sa radunà quatter giadas.

### **Premi schurnalistic SRG.R**

La primavaira 2014 ha il cussegl dal public surdà per l'emprima giada il premi schurnalistic SRG.R, quel succeda al “Premi Cristal” ch'è vegnì surdà ils onns 1998-2005. Il premi schurnalistic SRG.R vegn surdà per products schurnalistics extraordinaris da RTR ed è dotà cun CHF 6'000. 2014 han Livio Foffa e David Spinnler survegnì il premi. Els èn vegnids undrads per il project «Allegra Rumantschs». Per la concorrenza èn vegnidas inoltradas da quai da 30 contribuziuns realisadas durant il 2014 da schurnalistas e schurnalists da RTR.

### **battaporta.rtr.ch – la purschida da RTR per ils giuvens**

La purschida da RTR che sa drizza al public giuven è da gronda impurtanza. Intginas

contribuziuns da video, sco per exempel la rubrica «Ina chanzun – mia istorgia», persvadan. La pagina existenta battaporta.rtr.ch na correspunda dentant betg pli a las pretaisas dad ozendi. La redacziun da «battaporta» furnescha divers cuntegns a plirs chanals da social media. Schebain ch'ils cuntegns vegnan clamads si savens, è l'interacziun cun il public modesta. La funcziun da commentaris na vegn quasi mai utilisada.

### **Diever e cumpetenz da la lingua tar RTR**

La cumpetenz linguistica tar RTR è buna ed il diever linguistic è orientà al public en mira. Il focus sa drizza sin ina buna chapibidad ch'è la premissa per chapir ils auters idioms. Ils idioms en dentant per part era in motiv per ina percepziun sfalsifitgada e critica nungjustifitgada a la cumpetenz linguistica da redactors e redacturas. Igl è vinavant da dar l'attenziun basegnaivla a la scolaziun linguistica. Il Cussegl constatescha en pli, che la qualitad linguistica da Radio Rumantsch è en cumparaziun cun las emissiuns da televisiun in pau pli bassa – quai sin fundament da la spontanadad pli gronda tar il radio. Il diever da

rumantsch grischun persvada il cussegl.

## Redacziun RTR en chasa federala a Berna

Ilis correspondents RTR en chasa federala a Berna, han ina gronda cumpetenzza linguistica e fan ina excellenta selecziun tar lur tscherna dals temas. Las contribuziuns survegnan avunda temp d'emissiun e vegnan messas èn il dretg context. L'accent principal giascha sin las infurmaziuns ch'èn relevantas per il chantun Grischun. Las contribuziuns lubeschan al public da s'infurmar da moda fundada davart las fatschentas politicas.

## Sportissimo

Ilis moderaturs dal «Sportissimo» persvadan ed han l'ambiziun da dar paisa al sport regional. Quai na gartegia betg adina. Il Cussegl giavischa dapli reportaschas da sportists e giuvens talents dal Grischun. Plinavant duai vegnir rapportà pli savens dals eveniments da sport en las regions.

## Campionadi mundial da ballape 2014 en Brasilia

Il Cussegl dal public è stà impressiunà da la varietad da la

purschida. Betg mo ils resultats n'èn vegnids furnids, mabain era bleras infurmaziuns fundadas dal pajais ospitant. Ultra da quai ha RTR per l'emprima giada commentà via live-stream ils gieus da l'equipa naziunala svizra. Suentar ch'ils problems technics èn stads eliminads ha il public nizzegià savens quella purschida. Quai experiment è uschia daventà in dals highlights da l'onn sportiv da RTR.

## Elecziuns 2014 en il Grischun e «Revista da medias / meteo»

La preschentaziun dals candidats per la regenza grischuna en la seria «CANDI-CARTOON» tar RTR è gartegiada. Ilis purtrets animads eran spiertus ed infurmativs. RTR ha rapportà detagliadamain davart las elecziuns 2014 ed il dossier online ha purschì bleras infurmaziuns supplementaras. En la rubrica «Revista da medias» infurmescha RTR mintga di en moda cumpacta ed instructiva davart ils temas principals en las gasettas quotidianas relevantas.

MICHAEL SPESCHA  
president cussegl dal public SRG.R

SRG.R –il Cussegl dal public

# SRG.R – il quint annual 2014

	2013	2014
<b>Entradas da gestiun</b>	<b>285 164.02</b>	<b>286 526.75</b>
<b>Contribuziuns</b>	<b>20 755.00</b>	<b>21 941.50</b>
Contribuziuns da commembranza SRG.R	20 755.00	21 941.50
<b>Attribuziuns</b>	<b>261 900.00</b>	<b>262 872.00</b>
Attribuziun societad regiunala SRG.R (incl. TPV)	261 900.00	262 872.00
<b>Entradas da retgavs da chapital ed ulteriuras entradas</b>	<b>2 509.02</b>	<b>1 713.25</b>
Tschains e rendita da titels da valur	2 509.02	1 713.25
<b>Expensas da gestiun</b>	<b>283 847.00</b>	<b>285 481.55</b>
<b>Expensas organs da l'uniun</b>	<b>79 410.15</b>	<b>94 945.95</b>
Onuraris suprastanza e cussegl regional	65 371.15	72 489.40
Spesas suprastanza	6 091.30	8 382.30
Organisaziun radunanza generala	7 947.70	14 074.25
<b>Expensas organs da surveglianza</b>	<b>59 913.75</b>	<b>62 609.20</b>
Onuraris cussegl dal public	55 453.45	56 651.00
Spesas cussegl dal public	4 460.30	5 958.20
<b>Lavur publica SRG.R</b>	<b>95 777.90</b>	<b>80 236.45</b>
Rapport annual SRG.R (cumpart SRG.R)	9 720.00	9 720.00
Gasetta ACCENTS	18 900.00	18 360.00
Projects per rinforzar la societad	7 416.60	6 545.40
Occurrenzas societad civila (da cumpagnia)	16 200.00	15 120.00
Represchentaziuns, contacts	13 761.30	8 685.55
Premi schurnalistic SRG.R	0.00	6 000.00
Spesas premi schurnalistic	0.00	6 079.70
Premi SRG.R	8 000.00	8 000.00
Spesas elecziun directur(a) RTR	0.00	4 374.80
Indemnisaziuns per lavurs spezialas	3 780.00	351.00
Reserva <i>Allegra Turitg, Lingua e cultura rumantscha</i>	18 000.00	-18 000.00
Reserva <i>projects SRG.R</i>	0.00	15 000.00
<b>Expensas administrativas</b>	<b>48 745.20</b>	<b>47 689.95</b>
Palpiri da correspundenza, flyers, stampats	1 095.10	1 378.20
Spesas da banca e formulars	3 277.65	1 669.50
Part indemnisaziun secretariat	19 440.00	19 440.00
Custs d'administraziun, biro, telefon, portos	8 956.45	7 488.50
Taglia sin plivalur TPV	15 976.00	17 713.75
	0.00	0.00
<b>Resultat annual</b>	<b>1 317.02</b>	<b>1 045.20</b>



L'onn 2014 è stà in onn da midament en la direcziun da RTR. Quel midament ha chaschunà custs che n'eran betg budgetads. L'organisaziun dal premi schurnalistic SRG.R – surdà la prima giada il 2014 – è stà in pau

pli char che previs. Malgrà quests custs nunprevis, na stuain dentant betg preschentar in excess da las expensas. Il quint mussa in pin surpli.

## Bilantscha

	per 31-12-2013	per 31-12-2014
Banca chantunala CK 090.817.700	28 275.56	25 100.46
Banca chantunala CA 090.817.701	14 154.70	13 755.30
Taglia anticipada	729.85	418.30
Vaglias	190 138.38	202 976.49
Activas transitoricas	253.87	255.12
<b>Activas</b>	<b>233 552.36</b>	<b>242 505.67</b>
Passivas transitoricas	2 100.00	1 080.00
Gulivaziun vaglias	14 222.27	26 150.38
Reserva projects <i>Allegra Turitg, Lingua e cultura rumantscha</i>	18 000.00	0.00
Reserva projects <i>SRG.R</i>	0.00	15 000.00
Facultad	197 913.07	199 230.09
Resultat annual	1 317.02	1 045.20
<b>Passivas</b>	<b>233 552.36</b>	<b>242 505.67</b>

En cumparegliaziun cun l'onn 2013 è la summa da bilantscha per l'onn 2014 creschida. Quai sa resultà entras ina revalitaziun da las vaglias. Quellas han, segund il moviment positiv da la bursa, augmentà la valur contabla per ils 31-12-2014 per radund 6,5% en congual cun ils 31-12-2013. Il post “gulivaziun vaglias” è vegni auzà per quel import correspondent.

Rapport dals revisurs da la

## SRG SSR Svizra Rumantscha SRG.R

Sco post da revisiun avain nus controllà la contabilitad ed il quint (bilantscha, quint da gudogn e sperdita) da la SRG SSR Svizra Rumantscha per l'onn da gestiun terminà ils 31 da december 2014.

Nossa controlla avain nus fatg tenor ils princips reconuschids che la controlla sto vegnir planisada ed exequida uschia ch'ins eruescha cun gronda segirezza sbagls essenzials en il quint annual.

Nus avain examinà ils posts e las indicaziuns dal quint annual cun agid d'analysas e retschertgas sin basa d'emprovas da controlla. Plinavant avain nus giuditgà l'applicaziun dals princips da facturaziun relevants, las valitaziuns generalas e la preschentaziun dal quint annual sco entir. Nus essan da l'opiniun che nossa controlla saja ina basa suffizienta per noss giudicament.

Tenor noss giudicament correspundan la contabilitad ed il quint annual a la lescha ed als statuts.

Nus recumandain dad approvar il quint annual 2014.

Ils revisurs da la SRG.R

  
Andri Linsel  
Fiduziari cun attestat  
da manster federal

  
Giachen Caduff  
Econom da manaschi (SEA)

*Cuire, ils 27 da schaner 2015*

# SRG.R – la suprananza



**Oscar Knapp**

- commember da la suprananza e president SRG.R dapi 2013
- Dr. oec. HSG Oscar Knapp ha represchentà la Svizra a partir dal 1980 a Paris, Brasilia (ambassadur 1996 - 2000), Washington e Vienna (ambassadur 2006 - 2010). A Berna è el stà ambassadur dal 2000 - 2006 (SECO) e dal 2010 - 2013 (SIF).
- Auters mandats: commember dal cussegl da fundaziun Chastè da Tarasp, CHymne – nov imni nazional.



**Duri Blumenthal**

- commember da la suprananza dapi 2006, vicepresidente dapi 2009
- Duri Blumenthal, dr. phil, è mainafatschenta da la corporaziun regiun Surselva. Dapi 2013 è el president communal da la Lumnezia.
- Auters mandats: commember da la Pro Lucmagn e da la Pro Val Lumnezia, commember dal cussegl consultativ da la Viafier retica.



**Beatrice Baselgia**

- commembra da la suprananza dapi 2009
- Beatrice Baselgia-Brunner è scolasta e pedagoga curativa diplomada. Dapi 1994 è ella deputada en il Cussegl grond e dapi l'entschatta 2008 presidenta communal da Domat.
- Auters mandats: cussegl d'administraziun rhienergie AG.



**Gion Cola**

- commember da la suprananza dapi 2009
- Gion Cola è mainafatschenta dal Spital e da la chasa d'attempads Surses a Savognin.
- Auters mandats: cussegl da fundaziun da la cassa da mal-sauns publica (ÖKK, 2000 - 2013).



**Donat Nay**

- commember da la suprananza dapi 2009
- Donat Nay è scolast secundar a Trun. Dapi 2003 è el president da vischnanca da Trun e dapi 2010 mastral da la Cadi.
- Auters mandats: president dal cussegl d'administraziun da l'Ovra electrica Ferrera Trun (OEFT).

# SRG.R – ils organs e las cumissiuns

## Il Cussegl regiunal SRG.R

Il cussegl regiunal (CR) cumpiglia 15 persunas (diesch elegidas da la radunanza generala e tschintg elegidas da la suprastanza. Il CR (presidià dal president SRG.R) ha l'incumbensa da far enconuschent la funcziun politica e sociocultura

da la SRG.R e francar tala en la populaziun rumantscha. El fa la punt tranter la SRG.R e la populaziun rumantscha e represchenta la SRG.R en las regions. La suprastanza SRG.R assista al CR cun vusch consultativa.

Al CR ed a la suprastanza fa part il directur / la directura RTR cun dretg da far pro-postas cun vusch consultativa.

### Elegì entras la radunanza generala (\* = cun vusch consultativa)

<b>Oscar Knapp</b>	a. ambassadur	Scuol	president
<b>Duri Blumenthal *</b>	president communal / mainafatschenta	Vella	vicepresident
<b>Beatrice Baselgia *</b>	presidenta communal / deputada	Domat	
<b>Mathias Bundi</b>	fiduziari	Zignau	
<b>Gion Cola *</b>	mainafatschenta spital Surses	Riom	
<b>Oscar Duschletta</b>	inschigner agronom	Scuol/Mastrils	
<b>Gian Peder Gregori</b>	linguist	Panaduz	
<b>Gion Lechmann</b>	rectur scola chantunala	Falera	
<b>Donat Nay *</b>	scolast secundar / mastral	Zignau	
<b>Gian-Duri Ratti</b>	president communal / landamma/deputà	Madulain	
<b>Barbara Riedhauser-Riesch</b>	collavuratura ANR	Ziràn	
<b>Jan Sedlacek</b>	climatolog	Sent /Greifensee	
<b>Annaleta Semadeni-Kaiser</b>	translatura	Andeer	
<b>Ruth Sonder-Augustin</b>	commerzianta	Salouf	
<b>Patric Vincenz</b>	president communal / administratur dal cudesch funsil e notar cirquital	Savognin	

### Elegì entras la suprastanza

<b>Seraina Bickel</b>	commembra suprastanza communal	Susch
<b>Adrian Conrad</b>	collavuratur da banca	Müstair/Sargans
<b>Romana Ganzoni</b>	scriptura	Schlarigna
<b>Patrick Schaniel</b>	chanzlist communal	Sumvitg
<b>Leo Thomann</b>	selvicultur	Parsonz

## La suprastanza SRG.R

Ella maina las fatschentas da la SRG.R ed è responsabla per tut ils

fatgs che n'èn betg reservads expressivamain per in auter organ tenor lescha u tenor ils statuts e reglaments d'organisaziun da la

SRG SSR. La suprastanza ha trais incumbensas centralas:

- Fixar ils concepts da program per RTR tenor la strategia definida dal cussegl administrativ naziunal (CA).
- Reparter ils meds finansials sin ils vecturs (radio, tv, online) e sin ils singuls secturs (infurma-

ziun, cultura, furmazion e divertiment) en il rom da las finanzas decisas dal CA.

- La cumpetenzza da far al CA la proposta da nominaziun per l'elecziun dal directur / da la directura da l'interpresa RTR e per quella dal cader 2 da program.

#### Elegì entras la radunanza generala

<b>Oscar Knapp</b>	a. ambassadur	Scuol	president
<b>Duri Blumenthal</b>	president communal / mainafatschenta	Vella	vicepresident
<b>Beatrice Baselgia</b>	presidenta communal / deputada	Domat	
<b>Gion Cola</b>	mainafatschenta spital Surses	Riom	
<b>Donat Nay</b>	scolast secundar / president communal	Zignau	

## Il Cussegl dal public

Il Cussegl dal public (CdP) cumpiglia 15 persunas. Il/la president(a) e set persunas èn elegidas da la radunanza generala, quatter èn elegidas da la suprastanza SRG.R e trais èn cooptads dal CdP.

Il CdP è in organ consultativ che persequitescha il svilup ed ils products dal program da Radiotelevisiun Svizra Rumantscha - RTR. El procura per in stretg contact tranter ils responsabels da program ed il public. El accumpogna e sustegna l'actividad da program cun evaluaziuns e constataziuns, cun propostas ed impuls.

#### Elegì entras la radunanza generala e cooptadAs dal CR

<b>Michael E. Spescha</b>	manader finanzas/persunal	Cumbel/Cuira	president
<b>Roger Tuor</b>	scolast	Disentis/Mustér	vicepresident/actuar
<b>Augustin Beeli</b>	schurnalist	Sagogn	
<b>Alexi Nay</b>	inspectur da scola	Vella	
<b>Ursina Schmed-Cathomas</b>	mussadra da scolina	Trun	
<b>Letizia Sonder</b>	mussadra da scolina	Lantsch	
<b>Curdin Tuor</b>	econom da manaschi	Trun	
<b>Adrian Viletta</b>	magister secundar	Scuol	

#### Elegì entras la suprastanza

<b>Lucrezia Berther</b>	psicologa / pedagoga curativa	Glion	
<b>Ursin Defuns</b>	musicist	Disentis/Mustér	
<b>Claudia Nicolay-Nuotclà</b>	massadra medicinala	Ftan	
<b>Vito Stupan</b>	pictur / a. president communal	Sta. Maria	

### Cooptà dal Cussegl dal public

<b>Martina Schudel-Noggler</b>	scolasta	Scuol	
<b>Romeo Wasescha</b>	collavuratur d'assicuranza	Savognin	
<b>Carmen Dedual</b>	scolasta	Parsonz	

### Organs da mediaziun SRG.R

<b>Toni Hess</b>	giurist	Cuira	mediatur
<b>Jon Peider Arquint</b>	giurist	Ardez	suppleant

### Revisurs da quint SRG.R

<b>Giachen Caduff</b>	econom da manaschi	Castrisch	revisur
<b>Andri Linsel</b>	fiduziari	Sent	revisur
<b>Flavio Murer</b>	manader da banca	Disentis/Mustér	substitut
<b>Antonia Wasescha Cavegn</b>	fiduziaria	Panaduz	substituta

### Administraziun SRG.R

<b>Judith Schaniel</b>		Tinizong-Rona / Savognin	
------------------------	--	--------------------------	--

### Represchentanza SRG.R en ils organs da la SRG SSR

<b>Oscar Knapp</b>	cussegl d'administraziun naziunal	Scuol	president SRG.R
<b>Oscar Knapp</b>	delegà en la radunanza da delegads	Scuol	president SRG.R
<b>Duri Blumenthal</b>	delegà en la radunanza da delegads	Vella	vicepresident SRG.R
<b>Beatrice Baselgia</b>	delegada en la radunanza da delegads	Domat	commembra da la suprastanza SRG.R

### Represchentanza SRG.R en ils organs da la SRG.D


<b>Oscar Knapp</b>	cussegl regional / suprastanza	Scuol	president SRG.R
<b>Gion Cola</b>	cussegl regional / suprastanza	Riom	commember da la suprastanza SRG.R
<b>Donat Nay</b>	cussegl regional / suprastanza	Zignau	commember da la suprastanza SRG.R
<b>Michael E. Spescha</b>	cussegl dal public	Cumbel/Cuira	president cussegl dal public
<b>Lucrezia Berther</b>	cussegl dal public	Glion	commembra dal cussegl dal public

# SRG.R – la commemoranza

<b>Dumber da commembras e commembers SRG.R per ils 31-12-2014</b>	<b>1018</b>
<b>Derivanza</b>	
Surselva	364
Grischun Central	181
Engiadina	197
ulteriur Grischun	186
ulteriura Svizra	90

# SRG.R 2015 –

## part da la structura SRG SSR



Organs, cumissiuns, structura



# Adressas

## SRG.R

### **SRG SSR Svizra Rumantscha**

Secretariat  
Judith Schaniel  
Via da Masans 2  
7002 Cuira

Telefon +41 (0)81 255 75 75  
Fax +41 (0)81 255 75 00

judith.schaniel@rtr.ch  
www.srgr.ch

### **Organ da mediaziun**

dr. iur. Toni Hess  
Böschenstrasse 79  
7000 Cuira

Telefon +41 (0)81 257 33 26  
Fax +41(0)81 257 21 55

toni.hess@stv.gr.ch